

ჩოხატაურის მუნიციპალიტეტის მიერ 2017 წელში განხორციელებული სახელმწიფო შესყიდვების
შესახებ

ა ნ გ ა რ ი შ ი

ჩოხატაურის მუნიციპალიტეტის მუნიციპალური შესყიდვებისა და მატერიალურ-ტექნიკური უზრუნველყოფის სამსახურმა 2017 წელში განახორციელა ადგილობრივი თვითმმართველობის კანონით და სამსახურის დებულებით გათვალისწინებული ყველა უფლებამოსილება.

2016 წლის 20 ნოემბრამდე საქართველოს კანონის „სახელმწიფო შესყიდვების შესახებ“ შესაბამისად შედგენილი და დამტკიცებული იქნა მუნიციპალიტეტის სახელმწიფო შესყიდვების 2017 წლის გეგმა. გეგმაში ასახული იყო მუნიციპალიტეტის მიერ 2017 წლის განმავლობაში განსახორციელებელი ყველა შესყიდვა (საქონელი, მომსახურეობა, სამუშაო). წლის განმავლობაში ბიუჯეტში ამ კუთხით განხორციელებული ცვლილებებისა და სახელმწიფო ბიუჯეტიდან შემოსული ტრანსფერების შესაბამისად რეგულარულად ხდებოდა გეგმის კორექტირება. გეგმაში ასახული იქნა ყველა მიზნობრივი, სპეციალური და კაპიტალური ტრანსფერებით შემოსული თანხები, რომელიც სახელმწიფო შესყიდვას ექვემდებარებოდა. სამსახურის მიერ განხორციელებული იქნა ღონისძიებები წარმომადგენლობითი და ადმინისტრაციული ორგანოების შეუფერხებლად ფუნქციონირებისა და მატერიალურ-ტექნიკური უზრუნველყოფის მიზნით.

სახელმწიფო შესყიდვები განხორციელებული იქნა საქართველოს კანონის „სახელმწიფო შესყიდვების შესახებ“ შესაბამისად მთავარი პრინციპების დაცვით, კერძოდ, საანგარიშო პერიოდში განხორციელებულმა შესყიდვებმა უზრუნველყო ფულადი სახსრების რაციონალური ხარჯვა. მუნიციპალიტეტის საჭიროებისათვის აუცილებელი საქონლის, მომსახურეობის და სამუშაოს შესყიდვის პროცესში ხელი შეუწყო ჯანსაღი კონკურენციის განვითარებას, შესყიდვებში მონაწილეების მიმართ სამართლიან და არადისკრიმინაციულ მიდგომას, ამაღლდა მუნიციპალიტეტის მიერ განხორციელებული შესყიდვების საჯაროობის დონე, რამაც საზოგადოებაში ჩამოაყალიბა ნდობა ჩვენს მიერ განხორციელებული შესყიდვების მიმართ. შესყიდვები განხორციელდა გამჭვირვალედ. ელექტრონულ სისტემაში შესყიდვების

განხორციელების დროს „კითხვა-პასუხის“ ველში დასმულ შეკითხვებს სატენდერო კომისია და აპარატი კანონით გათვალისწინებულ ვადებში ყოველგვარი შეფერხების გარეშე ცემდა პასუხს.

2017 წელში მუნიციპალიტეტის მიერ განხორციელებული იქნა ადგილობრივი ბიუჯეტით 271,6 ათასი ლარის შესყიდვა, სახელმწიფო ბიუჯეტით ბოლო დაზუსტებით 3300,9 ათასი ლარის შესყიდვა, დადებული იქნა 227 ხელშეკრულება: გამარტივებული შესყიდვით - 131 ხელშეკრულება, ელექტრონული ტენდერით - 81 ხელშეკრულება, კონსოლიდირებული ტენდერით - 15 ხელშეკრულება.

სულ ჩატარებული იქნა 101 ტენდერი, მათ შორის: ელექტრონული ტენდერი 81, უარყოფითი შედეგით დასრულდა 3 ტენდერი, არ შედგა 11 ტენდერი, შეწყვეტილი იქნა 6 ტენდერი.

ელექტრონული ტენდერები ჩატარებული იქნა მონეტარული ზღვრების სრული დაცვით. ადგილი არ ქონია შესყიდვების ხელოვნურად დაყოფას. ტენდერები ჩატარებული იქნა აუქციონის გარეშე, რამაც განაპირობა ტენდერების ჩატარება პრეტენდენტებისათვის სამართლიან და კონკურენციულ გარემოში.

ტენდერებში მონაწილეთა საშუალო რაოდენობამ შეადგინა - 2,7 მონაწილე. გამარტივებული შესყიდვით განხორციელდა 132059,26 ლარის შესყიდვა, რაც შეადგენს განხორციელებული შესყიდვების 3,32%-ს.

შემსყიდველ ორგანიზაციაზე საანგარიშო პერიოდში ადგილი არ ქონია სახელმწიფო შესყიდვების კანონის დარღვევას. შესაბამისად ადგილი არ ქონია ადმინისტრაციულ კოდექსით გათვალისწინებული სანქციების დაკისრებას.

შესყიდვების განხორციელების მიმდინარეობისას არ წარმოშობილა დავა შემსყიდველ ორგანიზაციასა და პრეტენდენტს შორის.

2017 წლის 26 იანვრის N131 განკარგულებით (ჩოხატაურის მუნიციპალიტეტის მიერ განსახორციელებელი ღონისძიებების შესახებ) ბოლო დაზუსტებით გამოყოფილი იყო - 48100 ათასი ლარი, გაფორმდა 5 ხელშეკრულება.

2017 წლის 26 აპრილის N824 განკარგულებით (სტიქიის შედეგების სალიკვიდაციო ღონისძიებების განხორციელების თაობაზე) გამოყოფილი თანხაა - 700 000 ლარი. აღნიშნული განკარგულებით გაფორმდა - 22 ხელშეკრულება.

2017 წლის 14 მარტის N480 განკარგულებით (საქართველოს რეგიონებში განსახორციელებელი პროექტების ფონდიდან მუნიციპალიტეტებისათვის თანხის გამოყოფის შესახებ) ჩოხატაურის მუნიციპალიტეტს ბოლო დაზუსტებით გამოეყო - 2 687 164 ლარი, რომელშიც გათვალისწინებულია ადგილობრივი ბიუჯეტიდან გამოყოფილი -5%. აღნიშნული განკარგულებით გაფორმდა 20 ხელშეკრულება.

ტენდერების ჩატარებას უზრუნველყოფდა მერის ბრძანებით შექმნილი სატენდერო კომისია - 5 კაცის და აპარატი - 4 კაცის შემადგენლობით. ჩატარებული იქნა სულ 311 კომისიის სხდომა.

ხელშეკრულების პირობების შესრულებას და მიღება-ჩაბარებას მომსახურეობისა და სამუშაოს კუთხით უზრუნველყოფდა მერის ბრძანებით შექმნილი ინსპექტირების ჯგუფი, რომლის მიერ ადგილზე ხორციელდებოდა შესყიდვების ინსპექტირება და ხელშეკრულების პირობების შესრულებისათვის საჭირო ღონისძიებები. მუნიციპალიტეტის მიერ დადებული ხელშეკრულებებიდან დღეის მდგომარეობით დაუსრულებელია 1 ხელშეკრულებით გათვალისწინებული სამუშაო.

ინსპექტირების ჯგუფის მიერ საჯარიმო სანქცია დაერიცხა 15 მიმწოდებელს, შესყიდვების სააგენტოს გადაეგზავნა კანონით გათვალისწინებული დოკუმენტაცია 1 მიმწოდებლის შავ სიაში განთავსების მიზნით. შესრულებულ მომსახურეობასა და სამუშაოებზე შედგენილი იქნა მიღება-ჩაბარების აქტები და ექსპერტიზის დასკვნები, გაცემული ლევან სამხარაულის ექსპერტიზის ბიუროს ან აკრედიტირებული საექსპერტო ორგანოების მიერ. დასკვნების საფუძველზე ჩანს, რომ სამუშაოების შესრულების ხარისხი არის დამაკმაყოფილებელი.

2017 წელში სახელმწიფო შესყიდვები განხორციელდა სახელმწიფო შესყიდვების კანონის შესაბამისად მონეტარული ზღვრების სრული დაცვით. კანონში ცვლილებების შესაბამისად შესყიდვები ხორციელდებოდა სახელმწიფო შესყიდვების სააგენტოს ყველა რეკომენდაციის გათვალისწინებით. სამსახურის ყველა თანამშრომელი პასუხისმგებლობით ეკიდებოდა თავის მოვალეობას, საქართველოს მთავრობასთან არსებული საჯარო სამსახურის ბიუროს მოთხოვნის

შესაბამისად ყველა თანამშრომელმა გაიარა ტესტირება სახელმწიფო შესყიდვების სააგენტოში და მიიღეს შესაბამისი სერთიფიკატები. სამსახური კონსულტაციას უწევს მუნიციპალიტეტის ტერიტორიაზე არსებულ საბიუჯეტო ორგანიზაციებს. სამსახურს არ გააჩნია კომუნიკაციის არავითარი პრობლემა. ჩვენ ვცემთ ყველა კითხვას პასუხს ჩვენი კომპეტენციის ფარგლებში, რომელსაც ჩვენს წინაშე აყენებს საკრებულო, კომისიები, ფრაქციები და აღმასრულებელი ორგანოს სამსახურები.

სამსახური მატერიალურ-ტექნიკური უზრუნველყოფის მიზნით შეუფერხებლად უზრუნველყოფს საკანონმდებლო და აღმასრულებელი ორგანოების სამსახურებს ფუნქციონირებისათვის საჭირო მასალებითა და ინვენტარით. უზრუნველყოფს მუნიციპალიტეტის ბალანსზე არსებული ტრანსპორტის ტექნიკურ მომსახურებასა და გამართულ მდგომარეობაში მოყვანას. არ ყოფილა შემთხვევა, რომ სამსახურის გამო რომელიმე სტრუქტურული დანაყოფის ფუნქციონირებას ხელი შეშლოდეს.

სამსახურის ყველა თანამშრომელი ვალდებულებით გათვალისწინებული სამუშაოს გარდა, მერის ბრძანების საფუძველზე ჩართული არიან სხვადასხვა კომისიების მუშაობაში. პირნათლად ასრულებენ მათზე დაკისრებულ დავალებებს.

მუნიციპალური შესყიდვების სამსახური აქტიურად არის ჩართული სახელმწიფო შესყიდვების სააგენტოსთან კანონშემოქმედებით ღონისძიებებში.

ჩოხატაურის მუნიციპალიტეტის მერიის მუნიციპალური შესყიდვების სამსახური თავის მუშაობას განახორციელებს საქართველოს კანონის „სახელმწიფო შესყიდვების შესახებ“ შესაბამისად.